



## Vita de ploania y de paisc

- **Messa a Pliscia: en domegna ai 27 de november ales 14:00** vegnel zebré a Pliscia, da signor Markus Moling, na santa messa en onú de Sant André. La messa (de “Segra dai rati”) ven abelida da Paul y Hilda Schuen. Düc é bel enviés.
- **Enformaziun dal Consei d’aministrazion:** al ven lascé alessei che por i **laurs pa “La grana”** él na stima de 25.742,00 €. Iolan y preitambel y Dio s’al paii a chi co á fat y fej spenores por cōsta speisa straordinaria.
- **Iolan y Dio s’al páii dles ofertes en recort dla † Maria Willeit** d’Laronz: Ciasa „Les Sajuns“ Al Plan, Gabriela y Jep Rindler, fam. Adolf y Zilia Willeit y da na porsona co n’ó nia gní nominada por la dljia; fam. Adolf y Zilia Willeit por “La Spona”.



## Enformaziuns y termins

**KVW Senioreclub:** ai 9 de forá dal 2009 él gnü motü sö le Senioreclub Mareo con la sorastanta Lidia Taibon. De forá dal ater ann vegnel 14 agn y enló dára jö la enciaria da sorastanta. Lidia scii ensciö: „*Al é sté de bi agn, con trec imegns y trec de bi momonc da sté adöm, Trec senioren á dagnora tut pert ales iniziatives che í án porté dant, mo al é ora da lascé ia y da lascé jí ennant la uniun con plü de jogn, eres o ei. Al foss der bel sce plü de jogn/es se sorantless cōsc imegn. Cheres o chi co oress sorantó, é periés da se lascé adentene pa Lidia o Hartmann.*“

**Le Zenter Families Mareo** organiseia – en colaboraziun con Irina Tavella – en curs da fá cripeles d’arjila, por mituns y mitans da 5 agn ensö, vendres ai 2 y vendres ai 16 de dezember, dales 15:00 ales 18:00 tal atelier de Irina Tavella. Cost: 45,00 € (60 € por nia soci dal ZFM). Info y prenotaziun anter i 28 de november pa Irina ☎ 339 8557964. I posé é limités: endöt 10 mituns/mitans.

**Referat:** le Consei de Formaziun d’Al Plan envieia al referat „Positive Konfliktberatung“, en jöbia ai 24 de novëmber ales 20:00, te salf dla Raiffeisen. La „Positive Konfliktberatung“ é na manira che vignöna y vignönn pó adoré por afronté les pices y gran dificoltés tla vita da vignedé, te nüsc raporc con nos enstesc y con i atri. Referent é Simon Kostner.

**Marcé da Nadé** tal Zenter sozial “La Spona” a Pederoa, en sabeda, ai 26 de november dales 9:00 ales 17:00 con de vigne sort de ideas por scincundes da Nadé desco linternes, lens da Nadé de len tradizionai y moderns, angeli, scatores de len vedl, gherlandes d’Advent y n gröm d’ater bel patüc. Ales 14:30 vegnel presenté dui libri nös, dés fora dala Uniun di Ladins Val Badia co venn de vigne sort de publicaziuns. Düc é de cör bel enviés.

**Ocio:** l’apoteca d’Al Plan é **dai 21 ai 30 de november** ma danmisdé daverta!

**Döt le bun a:** Andrea Willeit \* 23.11.1947  
y a düc chi co á santenno y complesc i agn cōst’edema

**Impressum:** Ploania d’La Pli; redaziun Franz Rigo y Edith Willeit  
**Comunicaziuns:** cina le **dedemesaledema** sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)




## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 Mhz

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann C

20.11.2022 - GRAN FESTA DE CRIST RE

n. 52

## La bunté de Gejú

📖 2 Sam 5, 1–3 | Col 1, 12–20 | Lc 23, 35–43

### Dal Vangelo do San Lúca:

[...] <sup>32</sup>Deboriada con Gejú ái ince condüt dui ladruns al suplize. <sup>33</sup>Ai é roés söle post ch’an ti dij Col dla Crepa. Danló ái motü el y i dui ladruns söla crusc, önn a man derta, l’ater a man ciampa. <sup>34</sup>Mo Gejú periá: Pere pordoni, deach’ai ne sa nia ci ch’ai se fej. Spo ái trat ala niza y á partí sö sü guanc danter ei. <sup>35</sup>La jont stea danló y ciarâ pró; ince i sorastanc dal popul le coienâ y dijea: D’atri ál assá daidé, sen déssel se daidé enstes, sce el é le Messia prelité de Dio. <sup>36</sup>Ince i soldás le coienâ, ai é jüs pormez a ti sporje ajei <sup>37</sup>y dijea: Sce t’es le re dai iüdes, spo salvete enstes! <sup>38</sup>Sora so ce él na tofla con l’iscriziun: Cösc é le re dai iüdes. <sup>39</sup>Önn dai ladruns, taché dlungia d’el söla crusc, le coienâ: Ne n’este nia tö le Messia? Danló deidete enstes y ince nos! <sup>40</sup>Mo l’ater l’á cospeté y á dit: Gnanca tö n’as timur de Dio, ester che t’es dal medemo destin? <sup>41</sup>A nos nes cüncel le dert: i ciafun le paiamont por nüsc fac; mo cösc n’á fat nia de tort. <sup>42</sup>Spo ál dit: Gejú, ponsa a me canche te röes te to regn. <sup>43</sup>Gejú ti á respognü: Amen, i te diji: Ciamó encö saraste con me te paraisc.

**I ponsun do:** *Val iade ressümeia les ultimes parores de na porsona na vita entiera y mostra le significat de cōsta vita. Le fat che Gejú ti á empormetü sön la crusc la vita y la redenziun al ladrun se dij trep sora so tru. Sen sanse: söa mort se porta a nos la vita.*

**I periun:** *Dio onipotent, to Fi á vit desco amich dla jont. Ince nos s’aste tut sö tal Regn de to Fi amé. Láscesse ester reconescionc y vire degns de cōsta vocaziun. Por el, co vir y regneia con te t’eternité.*

Vesco Wilhelm Egger “Sonntagsbibel”



*En re söla crusc.*

Ince ciamó te söa ultima ora de vita sön cōsta tera nes mostra Gejú cara co é söa sovranité: söa misericordia por dōtes les porsones. El orunse salüdé!

📖 *Letöres dla Pröma Domegna d’Advent A:*  
**Is 2, 1–5 | Rom 13, 11–14a | Mt 24, 29–44**

## Edema liturgica dai 20.11. ai 27.11.2022

<b>DOM 20.</b>	<b>GRAN FESTA DE CRIST RE - ultima domegna dal ann liturgich</b> <b>FESTA DE SANTA ZEZILIA</b> <i>Bernward, Korbinian, Edmund</i> <i>oferta por la ploania</i>
10:00	gran messa a Al Plan
→ 14:00	gran messa en onú de S. Zezilia por dōta la ploania con <b>espi da festa</b> s.m. d'aniversar por † Jep Rovara, Plans s.m. por † Vittoria Erlacher ved. Trebo, Blaje <span style="float:right">♫ Cor</span>
<b>Lön 21.</b>	<i>memoria de Santa Maria da Ierusalem, Jan</i>
19:30	s.m. por † Maria Rindler ved. Daverda, Corterei s.m. por †† de Vila s.m. por †† de Baldessé
<b>Ded 22.</b>	<i>Zezilia, Salvatur</i>
07:30	s.m. a Antermeia
<b>Dem 23.</b>	<i>Clemens I., Columban, Felicita</i>
<b>Jöb 24.</b>	<i>Andreas Dung-Lac y compagns, Flora</i>
07:30	s.m. a Rina
→ 19:30	<b>oraziun da Taizé</b>
<b>Ven 25.</b>	<i>Caterina d'Alessandria (Tarina), Elisabeth</i>
07:30	s.m. a Al Plan
<b>Sab 26.</b>	<i>Sabeda de Santa Maria   Konrad y Gebhard, Ida, Albert</i>
10:00	<b>s.m. de sopoltōra dla † Matilde Frontull ved. Vollmann, Moradú</b>
18:00	s.m. prefestia a Al Plan
<b>DOM 27.</b>	<b>Prōma Domegna d'Advent A   domegna dla dlijia te ciasa</b> <i>Virgil</i>
06:30	gran messa a Al Plan
09:30	<b>corona:</b> <i>periu do la grazia da ester arjignés canche le Signur ven</i>
10:00	gran messa por dōta la ploania <i>oferta por la ploania</i> s.m. d'aniversar por † Ludwig Erlacher, Plaza s.m. por †† Regina Kehrer Terrabona y Iaco Kehrer, Tistler/Foltn
14:00	a Pliscia, s.m. en nú de sant André por vis y †† dles families Kastlunger, Mone <span style="float:right">♫ Paul y Hilda Schuen</span>
19:00	<b>les ciampanes sona ete l'Advent y envieia al'oraziun te familia</b>
<i>ampola:</i>	por grazies ciafades

*ministronc:*


- **lönesc y sabeda:** Anna y Sara F.
- **domegna:** Daniel y Alex, Lucia y Rudi

*i recordun:*

Jep Rovara	† 21.11.2017
Sr. Arcangela, Maria Comploi, Maran	† 26.11.2020



## Gran festa de Gejú Crist Re dl'univers



Tal Vedl Testamont ti baia Chel Bel Dio ados a Mosé fora dla trognera da spina y se dá da bones e on l'ennom "lu sun atló".

Tal Nō Testament él la jont o ti fej al Fi de Dio, on i medemi spina, na corona h'al porta desco re sōla rus

Le signifiat é endò le medemo: Chel Bel Dio é "Chel o é atló": te nos patí, te nosta olpa, te nos morí.

Desche Chel Bel Dio á a compagné Mosé tal Egit a delibré so popul dala stlavitú, ensciō nes acompagneia Gejú nos, por dōta la vita y sora fora, por nes salvé.

*da image*



## Festa de Santa Zezilia, patrona dla musiga sacra

Sc'an ti dá na odlada ala Sacra Scritōra, spo veigon ch'ara baia trep de musiga y dal cianté. Al é leité ciances de iolan, de lamont y plūra, ciances plenes de iubilanza y ligreza, ciances d'amur y de lalt, ciances por dōtes les situaziuns dla vita.

Con le *Liber dai Salms* y la *Ciancia dles Ciances* él cinamai gnü scrit libri entiers tla forma de ciances. Tla gran pert de cōstes ciances vegnel baié con Chel Bel Dio.

Sc'al ne foss nia la musiga ti manciassel cotan ala creaziun. La musiga ti vá a cōr ala jont y la fej plü contonta, ara condüj adöm y dá vita, ara consoleia y encorajeia, scinca speranza, alegreia y para demez pores y crüzi. La musiga deida dí y capí ci che parores n'é gonot nia bones da dé ennant da sores.

L'apostul Paul scrí tla Letra ai Efejins (5,19): "*Lascede ronné amesa os salms, inns y ciances desche le Spirit ves les dá ete. Ciantede con dōt le cōr a lalt dal Signur!*"



Sc'i fajun musiga y ciantun duc deboriada tles funziuns sacres junse der a öna con le Spirit dla Sacra Scritōra. Y nosc perie y cianté ti plej ensciō dessogü a Chel Bel Dio. Sc'i se tolun a cōr ince les parores dles ciances, ven le cianté dla comunité y dal cor na encündaziun sterscia y na testimonianza co renforza la fede ch'i an deboriada. TG

**En bel iolan y Dio ti al páii a duc chi y a dōtes cheres co cianta y sona pa les funziuns liturgiches de nosta comunité!**